

Home / 2024 / January / "Solidariti Palestine & Mahasiswa" Kolej Pengajian Seni Kreatif (KPSK) UiTM Cawangan Perak.

SINERGI

19/01/2024 / Muh Sarip Abdul Rahman, Dr Siti Ermi Syahira Abdul Jamil, Dr Khayril Anwar Khairuddin, Zainon Abdullah, Muhammad Abdullah, Miswarini Mat Din, Nur Fatin Shahirah Din



Bersempena dengan program RESONANCE: PAMERAN SENI VISUAL SOLIDARITI PALESTINE, sebuah karya dalam bentuk mural; *A Choice: The Wrong Side of History* telah dihasilkan oleh mahasiswa Kolej Pengajian Seni Kreatif (KPSK) Universiti Teknologi MARA (UiTM) Cawangan Perak. Mural tersebut dijayakan hasil kerjasama pelajar dan pensyarah secara sukarela. Komitmen yang bersungguh ini telah berjaya menzahirkan sebuah mural bersaiz 5 kaki lebar kali 15 kaki panjang menggunakan bahan dakwat atas kain Calico.



Aktiviti melukis mural telah dijalankan oleh 20 sukarelawan yang terdiri dari para mahasiswa bahagian 01 KPSK, UiTM Cawangan Perak. Proses penghasilan mural ini diketuai oleh Muh Sarip Abdul Rahman, turut sama diselia oleh pensyarah-pensyarah berpengalaman dari Jabatan Art Trivium; Dr Siti Ermi Syahira, Mohamad Hafiz Yahaya, Muhammad Abdullah dan Zainon Abdullah. Semua proses penghasilan mural dimulakan pada 14 Disember 2023 dan siap sepenuhnya untuk pameran pada 16 Disember 2023. Segala proses melakar, melukis dan mewarna dijalankan di Studio Jabatan Art Trivium KPSK, UiTM Cawangan Perak, Kampus Seri Iskandar.

Mural terbabit telah dirancang untuk turut dipamerkan serentak dengan pameran seni visual *RESONANCE: PAMERAN SENI VISUAL SOLIDARITI PALESTINE* pada 16 Disember hingga 23 Disember bertempat di Kapallorek Artspace. Pameran secara fizikal ini berlangsung selama lapan hari. Pengunjung pameran dipelawa untuk sama-sama melihat dan menghayati mural tersebut. Dalam pada itu, 15 orang pensyarah Jabatan Art Trivium, KPSK, UiTM Cawangan Perak turut berkarya meluahkan daya kreativiti berpameran disamping mural yang dipersembahkan. Karya dihasilkan dikongsikan dalam bentuk catan, kolaj, instalasi, arca dan juga cetakan.

Mural ini merupakan satu simbolik sokongan dan solidariti terhadap isu di Palestine. Warga Kolej Pengajian Seni Kreatif (KPSK), akademia serta mahasiswa tidak terkecuali dari menjadi sebahagian dari insan yang turut ingin menyumbang kepakaran sesuai dengan kemampuan. Menurut Ketua Projek, Mohamad Hafiz Yahaya, diharapkan menerusi penghasilan mural ini juga, ia disasarkan dapat memberikan impak visual seterusnya membangkitkan perasaan kesedaran tentang kemanusiaan dan Palestine khususnya.

[in Share](#) [f Share](#) [X Post](#)

Tags: JABATAN ART TRIVIUM PERAK, Kolej Pengajian Seni Kreatif (KPSK), UiTM Cawangan Perak

← Pusat Hijau Uitm Jayakan Projek Perintis Perhentian Bas Berkuasa Solar Bersama Central Sugars Refinery Sdn. Bhd. (Csr) Dan Jabatan Alam Sekitar Malaysia

Soar Beyond Boundaries: Aerodreamscape – Unveiling the Enchanting World of Aviation Seminar Organised by Faculty of Hotel and Tourism Management, UiTM Sabah Branch, Kota Kinabalu Campus →

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UITM Holdings](#)
[WiFi UiTM](#)
[E-Complaint](#)

Universiti Teknologi MARA (UiTM)
40450 Shah Alam, Selangor Darul Ehsan
Malaysia

Tel: +603-5544 2051 / 2000

